

### III. OUTRAS DISPOSICIÓNS

#### CONSELLERÍA DO MEDIO RURAL

*RESOLUCIÓN do 3 de abril de 2018, da Dirección Xeral de Gandaría, Agricultura e Industrias Agroalimentarias, pola que se establecen os prazos para a declaración de existencias e de superficie de pataca sementada en zona infestada e en zona tampón, segundo a Resolución do 23 de marzo de 2018 pola que se amplían as zonas demarcadas pola presenza da praga de corentena denominada *Tecia Solanivora Povolny* ou couza guatemalteca da pataca.*

#### Antecedentes:

Con data do 26 de marzo de 2018 publicouse a Resolución do 23 de marzo de 2018, da Dirección Xeral de Gandaría, Agricultura e Industrias Agroalimentarias, pola que se amplían as zonas demarcadas pola presenza da praga de corentena denominada *Tecia Solanivora Povolny* ou couza guatemalteca da pataca.

Na dita resolución establécese ampliar as zonas infestadas pola existencia da praga denominada *Tecia Solanivora Povolny*, couza guatemalteca da pataca, na Comunidade Autónoma de Galicia, engadindo, á parte das indicadas no punto 1.a) da Resolución do 8 de marzo de 2017, da Dirección Xeral de Gandaría, Agricultura e Industrias Agroalimentarias, o concello de Muxía na provincia da Coruña.

Por outra banda, o punto 1.b) da Resolución do 8 de marzo de 2017, da Dirección Xeral de Gandaría, Agricultura e Industrias Agroalimentarias, pola que se establecen as zonas infestadas e as zonas tampón e se implementan as medidas para a erradicación e control con respecto ao organismo de corentena *Tecia Solanivora Povolny*, ou couza guatemalteca da pataca, na Comunidade Autónoma de Galicia, establecidas no Real decreto 197/2017, polo que se establece o Programa nacional de control e erradicación de *Tecia (Scrobipalopsis) Solanivora Povolny* (DOG núm. 49, do 10 de marzo), se establece a zona tampón como os terreos comprendidos dentro dunha franxa de 5 quilómetros arredor do límite dos concellos establecidos como zonas infestadas.

Na mesma resolución establécese que os agricultores das zonas tampón definidas no punto 1.b) da Resolución do 8 de marzo de 2017 deberán seguir comunicando, inmediatamente logo da sementeira, todas as parcelas cultivadas con pataca, segundo o modelo establecido no anexo I da Resolución do 9 de febreiro de 2017 (DOG núm. 31, do 14 de febreiro).



Considérase que é necesario actualizar o referido modelo de comunicación de sementeira da pataca e establecer o prazo tanto para a comunicación da pataca almacenada de semente como de consumo, como para a comunicación da superficie sementada antes da publicación da Resolución do 23 de marzo de 2018. Establécese tamén o modelo e prazo da declaración de cultivo de pataca na zona tampón.

Por todo o anteriormente exposto,

**RESOLVO:**

1. Publicar no anexo I o modelo de declaración de cultivo de pataca que substitúe o o modelo establecido no anexo I da Resolución do 9 de febreiro de 2017.
2. Publicar no anexo II o modelo de declaración de existencias de pataca, tanto de semente como de consumo almacenada nos almacéns particulares da zona infestada.
3. O período para a presentación da declaración de existencias de pataca de semente e de consumo da campaña anterior e a superficie cultivada na zona infestada será de 10 días a partir do día seguinte da publicación desta resolución.
4. O período para a presentación da declaración de parcelas de cultivo situadas na zona tampón comeza o día seguinte ao da publicación da presente resolución e remata o día 31 de maio de 2018.

Santiago de Compostela, 3 de abril de 2018

Belén María do Campo Piñeiro  
Directora xeral de Gandaría, Agricultura e Industrias Agroalimentarias

CVE-DOG: 4irenh16-gvx2-8o36-zmg6-nvjrsdqkk4t1





TODO PRODUTOR QUE REALICE A DECLARACIÓN DE CULTIVO DE PATACA, PRESENTARÁ O MODELO DE COMUNICACIÓN NO CAL INDICARÁ A TOTALIDADE DAS REFERENCIAS SIXPAC DAS PARCELAS DE PATACA QUE CULTIVA NA ZONA DEMARCADA.

FORMALIZACIÓN DOS DATOS SOLICITADOS NO IMPRESO.

IDENTIFICADOR DA PERSOA PRODUTORA/CULTIVADORA.

- Enténdese a identificación da persoa produtora como cultivadora, independentemente da persoa propietaria da parcela.
- Indicarase o código da explotación agraria (CEA) se está inscrita no Rexistro de Explotacións Agrarias de Galicia (Reaga).

PARCELAS DE CULTIVO DE PATACA:

- Indicarase a referencia Sixpac das parcelas e a súa superficie, e a superficie sementada se é cultivada en parte.
- Para parcelas nas que non conste referencia Sixpac rústica (solo urbano, núcleo, etc.) pode referenciarse a coordenada UTM do recinto.
- Os datos indicaranse nas diferentes celas deste impreso de acordo cos seguintes criterios: a superficie en metros cadrados (m<sup>2</sup>).

CVE-DOG: 4irenh16-gvx2-8o36-zmg6-nvjrsdqkk4t1




**XUNTA DE GALICIA**  
 CONSELLERÍA DO MEDIO RURAL

**ANEXO II**

PROCEDEMENTO	CAMPAÑA	DOCUMENTO
DECLARACIÓN DE EXISTENCIAS DE PATACA EN ALMACÉN	<b>20</b> __	COMUNICACIÓN

<b>DATOS PERSOAIS</b>							
NOME/RAZÓN SOCIAL			PRIMEIRO APELIDO		SEGUNDO APELIDO		NIF
TIPO	NOME DA VÍA			NÚM.	BLOQ.	ANDAR	PORTA
PARROQUIA				LUGAR			
CÓDIGO POSTAL		PROVINCIA		CONCELLO		LOCALIDADE	
TELÉFONO		FAX		TELÉFONO MÓBIL		CORREO ELECTRÓNICO	

<b>E, NA SÚA REPRESENTACIÓN</b> (deberá acreditarse a representación fidedigna por calquera medio válido en dereito)							
NOME		PRIMEIRO APELIDO		SEGUNDO APELIDO		NIF	

<b>EXISTENCIAS DE PATACA</b>			
TIPO		CANTIDADE	
SEMENTE		KG	Nº DE SACOS
CONSUMO			

<b>LUGAR DE ALMACENAMENTO DA PATACA</b> (só no caso de que a localización non coincida coa dos datos persoais)							
TIPO	NOME DA VÍA			NÚM.	BLOQ.	ANDAR	PORTA
PARROQUIA				LUGAR			
CÓDIGO POSTAL		PROVINCIA		CONCELLO		LOCALIDADE	

En cumprimento do disposto no artigo 5 da Lei orgánica 15/1999, do 13 de decembro, de protección de datos de carácter persoal, infórmaselle de que os datos persoais que facilite neste formulario quedarán rexistrados nun ficheiro de titularidade da Xunta de Galicia co obxecto de xestionar o presente procedemento. A persoa interesada poderá exercer os dereitos de acceso, rectificación, cancelación e oposición ante a Secretaría Xeral Técnica da Consellería do Medio Rural, como responsable do ficheiro, solicitándoo mediante o envío dun correo electrónico á [secretariaxeraltecnica.cmrn@xunta.gal](mailto:secretariaxeraltecnica.cmrn@xunta.gal).

**LEXISLACIÓN APLICABLE**  
 Lei 43/2002, do 20 de novembro, de sanidade vexetal. Real decreto 58/2005, do 21 de xaneiro, polo que se adoptan medidas de protección contra a introdución e difusión de organismos nocivos. Real decreto 1190/1998 que regula os programas de erradicación e control de organismos nocivos. Directiva 2000/29/CE. Real decreto 197/2017, do 3 de marzo, polo que se establece o Programa nacional de control e erradicación de *Tecia* (*Scrobipalopsis*) *Solanivora* (Povolny). Resolucións da Consellería do Medio Rural.

<b>SINATURA DA PERSOA SOLICITANTE OU REPRESENTANTE</b>							
Lugar e data							
	,		de		de		



Xefatura Territorial de

CVE-DOG: 4irenh16-gvx2-8o36-zmg6-nvjrsdqkk41

